

平鄉縣志卷十二 藝文下

平鄉縣知縣靈川蘇 性禾村纂輯

教諭霸州吳曾榮泐生

參定

訓導常山呂有志荔菴

詩

五言古

沙邱城下寄杜甫

唐人

李白

我來竟何事高卧沙邱城城邊有古樹日夕連秋聲魯酒不可醉齊歌空復情思君若汶水浩蕩寄南征

平鄉縣志

卷十二

藝文下

一

慶陶城

邑令 孔慶鈺 曲阜人

古稱南 城慶陶漢置縣新郭幾遷移周垣頽面面空餘
六柵門來薰匝寅餞舊址訪艾村父老傳遺諺凌晨烟霧
中雉堞隱如見

枯泲渠

前名

泲水古橫流邑居水以北大禹奏神功厥渠枯自昔在秦
曰信都於漢屬襄國至今北流渠入夜留竒迹不見水潺
湲但聞聲湍激

封爵觀

前名

破釜沉船入九戰章邯破諸侯壁上觀膝行前致賀叱咤
上將軍千古英聲播首論救趙功築觀爵封大遺址不可
尋弔古詩重和

太平鄉

前名

一載壽春令棄官歸隱居留犢語父老清廉近何如佳墓
巍然存大木風蕭疎彌深景仰心瞻拜集簪裾愛此太平
鄉醕風還古初

自董滌齋少府署申得太湖石

吳曾榮 霸州

壯歲爲小仕儒腐官亦腐一僕與俱來此外無儔侶僕既

平鄉縣志

卷十二

藝文下

二

蠢而愚我亦鈍且魯寂寥冷署中兩人相與伍有時一讀
書自愧非攻苦暇日偶出門曾過董少府主人未出迎怪
石快先覩玲瓏秀削兼圓竇列三五一望徹中邊奧窔俱
可數其色黝然蒼其體質而古峙立宛向人竒鬼森然怒
昔者米元章拜石身自俯若使李將軍射之當若虎少府
不甚惜棄擲等泥土我來請攜歸慨然聽求取長繩曳石
倒勝之豈不武衆力未不加譬彼挽強弩移置學署中古
色生牖戶朝夕勤灌溉出入恒摩撫石兄善點頭何妨與
之語石應笑我頑賤不羨簪組石豈譏我癡貧不營阿堵

惟此癡與頑古人與居處問石石不言苔磴響秋雨

次韻和吳沛生外翰得太湖石詩

蘇性靈川

書生屈冷官流俗嗤迂腐豈知瑰異姿巖巖勝儕侶鐸聲
宣下邑士風勵鄒魯我欲求他山同官幸與伍閒中示新
詩迹泯錘鍊苦云得一竒石奧非探洞府三生有夙因近
從鄰署覩主人許持贈迎導丁用五卓立象崢嶸玲瓏竅
可數壺中九華名應並著千古久遭俗眼棄秋風爲號怒
昨居枳棘旁頽然歆且俯今列講座前臯比斑映虎拔置
遇真賞一朝出塵土從知士抱竒終爲世所取側聞石硯

平鄉縣志

卷十二 藝文下

三

遺有志繩祖武

尊先祖靈峯先生由翰林仕至河督聞其始曾以拔萃科官外翰君今筮仕亦

然

績繼岫嶠碑河千潮回弩薛家磐石存薇省依庭戶彼

方待追蹤此豈久摩撫借石暫寫懷對立若並語愧我來
四年日累塵中組未獲訂石交隔牆祇半堵君獨能搜竒
移歸伴寂處相期如潤石加鞭作霖雨

七言古

賦別詞送平鄉義民張之彥

國朝包嗣晉
鄆縣庠生

憶余揚鞭穿柳曾過漳河橋願結燕趙悲歌慷慨士之鑣
橫頭寺前快馬試興酣索筆意囂囂意囂囂聲相招有美
一人供昏朝自是封州風俗好去後追思猶未消千里來
酬六載息古道如君更寥寥羨君義學垂不朽嗣子聲名
鬢柱標吁嗟乎甘棠古情隨勢銷安得十五年來空谷足
兩兩睜看復淘淘攀轅思猶昨借寇情匪遙屈指花栽邑
誰言鹿夢蕉吁嗟乎丈人峯高矣肯擊長江撓我慚片紙

平鄉縣志

卷十二

藝文下

四

送君行願作他年久有要吁嗟乎何時長安花畔乘一輶

鉅鹿醉筵賦襄陽歌

國朝癸丑進士趙培基
字二惟邑人

寒煙漠漠覆衰草霜紅峴山秋色老大堤遊女映淥水襄
陽十月風日好山公乘興出門時習氏置酒高陽池佳人
頻奉玻瓈盞雪兒善唱銅鞮詞花月能迷投轄客相逢卮
酒安足辭酩酊上馬似乘船珊瑚鞭墜脫金羈玉山橫頽
當車卧頭上倒着白接羅小兒攔街齊拍手夢中擲果知
是誰君不見羊叔子襄人愛千載無復石上淚惟有清風
明月今長在休笑山翁醉似泥仰面低頭何所礙

已未封州人日

國朝原
任庶常 李開業
字磁林
福清人

雪毫曾把春驅至高懸冰署宜春字銀旛綵燕日夕佳七
日佳辰倍光霽望仙樓下水成藍清暉閣上雲如黛古來
此日喜逢人此日相逢人誰在道衡底事久離家花前思
發還歸未五年流水彈匣琴嘆息杜陵彈不再從裁巧勝
艷鏤金且調新羹烹碧菜童孫嬉笑時相親柏葉椒花意
能解天涯高閒見客星白髮青衫逢世泰堯奠禹歷春復
春檢點詩逋償酒債

題張氏族譜詩歌

邑訓
導 張玉崑
新城
人

平鄉縣志

卷十二

藝文下

五

生平性喜耽書史鈔書買盡蠻箋紙屏却浮辭手不攤無
關風化嗤竒詭昨因奉檄蒞平鄉四壁蕭然冷署荒欲索
芸編無覓處空餘午夢傲羲皇忽來張子携宗譜詩歌盈
帙工纂組先世箕裘貽厥孫後昆堂構繩其祖美哉忠孝
萃一門奕葉閨中節義存家乘此時詳記載史官異日細
評論一節已堪光翰藻况復歷代家聲好披時觸目悉琳
瑯依稀似入山陰道幾度悲歌本孝思人心世道兩維持
再三奉讀不忍釋爲異人間月露詞

五言律

海外獨坐憶封州

趙培基
見前

短狐成小梗幾月斷人行入耳鼓聲震連天烽火明三秋
愁鬢色萬里故鄉情寂寞共誰語長歌涕泗橫

平署坐雨

李開業
見前

入夏常思雨當秋雨易成青樽添更盡白髮暗能明竹閣

寒雲影莎庭濕葉聲所欣茶戶喜來說長官清

東坡詩細雨尼時茶

戶喜亂山深處長官清

立春日雪

前名

平鄉縣志

卷十二 藝文下

六

一夜風曾煖還飛白滿枝天心陽氣應春色雪花知琪樹

歌盈野雲翹舞及時東郊農話久蕭鼓應歸遲

憲兒是日鞭春

夜行

邑貢生 羅 嶷

客身無倚泊入夜尚孤 谷暗雲歸岫泉開月吐泓馬聲

和漏切人意逐風輕危道霜林裏啾啾棲鳥鳴

小葺署齋

邑教諭 鄭廣緒
棗強人

茅結垂垂就窗開面面均聊將風雨避焉用棟梁新夾院

陰生樹攢花氣吐春漆園堪吏隱那復問通津

咏平邑八景

蘇 性
靈川人

好景似人才搜尋自出來歷時變陵谷得地聳樓臺古色

雲霞在新機草木催勸農經四野寓目總懷開

總起

平地清流漫滄桑說自通漲高全失岸水濶欲涵空浴鷺

翻波白飛艇戲蓼紅故鄉多此景張翰感秋風

西池秋漲

層巒何處覓高閣踞城巔地勢千尋壯山光百里連半規

銜落日一碧補遙天長願煙塵淨登臨訂後緣

北閣遠山

晚眺樓頭立人如到赤城奎光瞻福蔭霞彩著文明桃杏

春常在桑榆景更榮鷺飛同落影滢水遠澄清

奎樓晚霞

游魂能附體說已涉幽冥何意城遺址猶憑霧肖形

偶於席間

平鄉縣志

卷十二

藝文下

七

論此吳呂二外翰戲為城魂城魄之辨故偷其意用之曙光浮睥睨地氣發精靈虛

勢張千古黃巾難早經

漢城晨霧

沙邱曾築苑遠事溯殷商當日林懸肉祇今樹遶岡鳥聲

歌管雜花氣酒池香撫景徘徊久繁陰送夕陽

沙邱樹色

別有清涼界桃源漫遠尋一灣河似帶兩岸柳成林風拂

煙痕淡波涵日色沉紅塵遮隔處時聽水禽吟

滢岸柳陰

禹蹟河經洺河遷洺亦填地中知伏水夜半聽鳴泉濤怒

風號樹波浮月在天渠流溱曉雨麥浪滿平田

枯洺夜濤

蒼龍蟠蜿蜒草色覆長堤功著平風浪香憐透雪泥縱橫

雲影散高下燒痕迷瘠土饒生意春郊雨一犁

長堤春草

出入星常戴煙郊漸遍杼地偏風近古山遠水多平秦漢

沉湮蹟春秋攬勝情自慚塵俗吏賦景韻難成

總結

七言律

贈別詩

送平邑義民張之彦

國朝乙未狀元

史大成

寧波人

張公自昔理冰徽陶徑於今賦曰歸千里寸心懷舊德一
肩斗軸趁斜暉長庚星映薔薇酒朱草光分薜荔衣相見
歡呼頻握手封州極望正依稀

前題

癸丑進士

謝于道

寧波人

石井岡巒體勢雄篤生莪土冀羣空崎嶇不謝關河遠然
諾無慚燕趙風來看西湖楊柳綠又觀東海日頭紅舞歌
酣適驪駒動後會應須成老翁

平鄉縣志

卷十二

藝文下

九

邵伯湖夜泊憶封州故里

拔貢

劉

鼎邑人

冉冉風帆向晚收蓼花灘裏若爲留秋高玉露橫天墮夜
久銀河傍地流飛去滏陽千里夢載回江上一船愁陰蛩
淒切陪人嘆白髮明朝更滿頭

送邑侯樊父母歸楚黃

辛丑進士

趙培基

邑人

驅馬中原行路難相逢誰肯道休官人情正望三台近宦
興翻從五斗闡海上蓬瀛能駐世

公每有方外心

山間朝暮好承

歡公有母在堂

清時未許投簪卧會向羊裘識釣竿

海外九日憶封州故里

前名

絕島殊方天一涯每逢佳節倍思家西風過雨寒吹葉南
菊無霜小作花肺病逢秋筋力怯鄉心入夜夢魂賒故園
兄弟登高處望我應疑泛海槎

海外春日偶憶封州故里

前名

南冠北客自傷神渭樹江雲思殺人蝴蝶夢迴天地遠驢
驢典去弟兄貧紅牙曲裏鞦韆院青草池邊楊柳春記得
鶯鳴亭午後幾回醉倒月華新

其二

前名

草舍桃園亂夕暉炊煙樵徑入雲微衡陽雁斷書難寄溟

平鄉縣志

卷十二

藝文下

十

海天遙鳥不飛往日兒童催我老舊巢燕子傍誰歸兵戈
滿地江湖濶五柳春風今是非

平署春日

原任
庶常 李開業
福建人

天涯風物總關情此日春光照眼明雨足菑田新犢健日
遲桑徑晚蠶成千重雲樹當村翠四面河流繞郭清載好
林鶯來早晚東園時與坐吹笙

十月冰藻堂微雪

前名

庾嶺梅新未許尋竹堂釀雪樹陰陰含華春小輝應薄作
絮花稀冷不侵若待風催皆玉粲縱和雨化亦甘霖祈年

有兆令伊始一夜同雲萬室心

冬夜偶成

前名

高寒霄漢思悠悠一片閒光自去留千里梅新漳水夜五
年菊老海天秋夢殘蕉葉疑蒼鹿點盡春苗惜白鷗堪笑
燒成紅蕊好空耽佳句獨生愁

清明祀先謹記

前名

百年早廢蓼莪詩少慕從來老更思錫命兩朝懷舊德

雍正

元年 恩贈 表揚雙淚墜新碑

座師司農臨川李公表墓

虛看春露濡蘋藻

忍說童心覓栗梨風木海天頻悵望亂雲重疊萬山悲

平署

平鄉縣志

卷十二

藝文下

十一

兩年未歸

冰藻堂分咏葵花

前名

幾番暑濯枝應減一丈紅 眼悟鮮 錦初含雲正夏丹
華滿吐日當天莎階痕潤明冰簟水檻紋生疊彩箋問道
王家花事好風清羣泛綠池蓮

封州懷古

前名

何處遺墟草又生天涯風物遠含情空臺秦月明沙苑故
國襄雲下廢城從昔漳流煩砥柱祇今滏水自澄清早春
笑索梅花賦百里相思有廣平

冰藻堂校藝對雪有賦

前名

夜來曾鼓紫瓊琴郢曲高翻白雪深欲舞應招曹植賦如
花還對范雲吟玉塵飛盡風生案冰鏡開成月在林一片
華明庭似水清光長見昔年心

冰藻堂偶成

前名

他鄉生計未全非細把閑心訴晚暉在竹恣情因月到爲
花留意是春歸添成冰鑑泉雲湧種好藥苗夜雨肥垂釣
芳洲鷗鷺喜與翻清影共忘機

庚申春暮憲兒離平署同郊行

前名

平鄉縣志

卷十二

藝文下

十一

閒來無計答年華十里村橋趁小車白袷寒銷風漸暖紅
竿景霽日遲斜嬌成錦雉看盈野老似冰蠶問幾家載路
相逢歌且笑不知春晚是天涯

閑行

邑令楊喬縉雲人

雨霽風微麥浪輕滄陽隄畔繞畦行一生雅好談農務久
宦全刪作吏情

聖主厪懷惟歲稔小民何處不躬耕慙余撫字無勞績聯絡
機聲譜政聲

福勝寺小憩

前名

往來此地總停車蕭寺殘碑日影斜
花落鳥啼春樹杪絮因風上舊曇
華齋堂傳板餐榆粥土炕生煙煮柳
茶習俗由來敦古樸荒涼不獨老僧
家

尋項王封爵觀不可得因賦

鄭廣綸

棗強人

項王遺觀任何處我亦勞勞起壯遊
蓋代雄風雲易散凌霄傑構月空浮
祖龍勢失黃沙苑金雀影翔綠水洲
煙草茫茫同一碧無端興廢使人愁

太平鄉懷壽春令時公

前名

壽春清節擅風流高步隱歸追許由
傲骨不隨權貴改逸

平鄉縣志

卷十二

藝文下

十三

情肯向太平遊人欽特犢傳佳話我
慕艱貞勝壯猷嘆惜桓靈遺恨在那
堪鬱鬱老林邱

清明郊行偶成

邑教諭 鄭廣緒

棗強人

寒食先催滏岸雨清明遠霽太行煙
柔泥翻潤經犁濕翠麥垂華帶露妍
沙磧風來楊柳苑平臺人倚杏花天
丁甯莫負黃鸝約曲水流觴盛事傳

後五日
上巳

封州雪郊卽事

前名

積素凝沙四照開封州無地可塵埃
寒煙漠漠連風起遠樹蒼蒼擁霧來
乘興滏波思泛棹尋香花塢竟疑梅
太行

放眼雲霄外上界玲瓏隔碧苔

長至後二日大雪是夜月食

前名

窮陰方唱黃鐘曲隔日旋歌白雪來六琯灰從前夜動千
林花向一朝開素雲光起籠丹桂金鏡塵遷映玉臺不用
盧生勤拜禱分明萬象薄昭回

弔唐郊國羅公塚

前名

郊國孤城死守時唐家將相未曾知血心空灑河邊水黃
塚愁看隴上犁日角神明應早定天涯雨雪意何居周西
坡外頻回首煙滿沙邱有所思

平鄉縣志

卷十二

藝文下

十四

懷漢壽春令時公

前名

日射酒徒意氣豪將移漢運獨憂勞細行漫說能留犢大
義須知不仕曹節出潯陽惟寄酒曲傳地肺自成操羽儀
若向天達去哀怨憑誰續楚騷

封州野眺

前名

古意蕭疎煙火稠高懷憑眺立沙邱項王遺觀迷豐草郊
國荒邗起暮愁環境隄思開府烈繞城泉會滏陽流太平
鄉內停驂問誰繼清風第一儔

懷家兄黃鑄及舍弟文振

邑貢
劉鼎

最是春風大被寬
東山別後始知寒
池塘綠草長
遥夢桃李
李芳華不共看
路遠裁書逢使少
家貧負米事親難
天涯霧露須珍重
記得叮嚀滢水干

封州留別二首

邑令 孔慶鈺
曲阜人

交深僚寀樂何如
文采風流萃此居
壯志不磨臣未老
王廣

文奮志 清談有味客非疎
姚靜齋少尹健談 鱸堂月滿春開甕
東學

博雅量 虎帳霜寒夜讀書
郭城守喜讀書每於月夜開編朗誦 相對離筵莫

惆悵寄懷應可托雙魚

悵飲東郊去
穀遲河梁遠
送感心知
門生送至夏莊橋俱為垂淚 觀風

平鄉縣志

卷十二

藝文下

十五

舊重李長爪
李之芳 立雪今推馬白眉
馬廷琛 孝綽清詞人共

賞 劉性善 伯鸞高行古相期
梁繼晉 茂先勵志家聲在
張錦春 努

力春華愛此時

經時苗墓

蘇 性
靈川人

一犢區區值幾多
去官留此意云何
矯情豈為名
徒釣厲

世應教鈍亦磨後
裔長依邱隴聚
縣志載邑中時村即公後裔 老牛仍

駕輦車過遥瞻墓木高
標處時有清風動碧柯

七言絕句

沙邱臺二首

元人 王 惲

一從奇貨落韋機
秦自壯襄統已非
大寶前依王命論
牛當馬後一何爲

高壁投來讖已真
沙邱臺下泣宮臣
事機說到還元處
造物於中太戲人

漢壽春令時公

王 惲

典郡風流若可稱
當官明允復冰清
來時孤特歸遺犢
却恐有心似近名

平鄉縣志

卷十二

藝文下

十六

前題

尼直良
鉅鹿人

清白居官志不貪
故教留犢在淮南
後人莫作沽名誚
千載何曾見二三

平署初秋偶成八首

李開業
見前

綠莎庭潤微經雨
竹簟風清晝漏稀
聽得千家扶杖者
豆花來報十分肥

二三階柳綠排衙
與試紅囊白雪芽
解事長鬚傳掃徑
高槐深處落輕花

白玉壺明見肺肝
高懸冰藻好相看

冰藻平署東偏堂名

清虛憶得

秦淮夜秋水江心一鏡寒

小園無徑草教鋤露葉霜根種百蔬
雨後晚菘花較好秋風生計未全疎

高閣遷鶯語欲空數枝蟬響發疎桐
蕭蕭不受人間暑最好閒聽是竹風

春酬花約日飛觴秋到花空亦醉鄉
敢說次公狂未減年來多酌或差強

秋風健足低雲徑木葉聲多屐飽經
千里有山看未得高樓霄漢爲誰青

平鄉縣志

卷十二

藝文下

十七

宵露厭厭淨素琴簾開翠竹草痕侵
葛衣涼月寒生影砧杵千家一夜心

題封州生員龐景元畫梅

邑教諭 鄭廣緒 棗強人

老根屈似卧龍蟠雪點疎枝月映闌
百里廣平餘韻在東川有賦愛香寒

寺梅

邑進士 賈汝楫

幽人自解西來意爲遠塵氛思避地
玉樹光搖祗樹林蕭蕭月照寒山寺

題張玉爵家譜詩歌

邑訓導 趙庠

原原本本苦分明
反復披吟孝思生
最是發人深省處
一歌一泣筆縱橫

題節婦張馬氏

事詳列女

拔貢

李之和

邑人

卅年苦節對孤檠
彤管千秋紀令名
吹就棘心妨底事
商均原是二妃生

沙邱懷古

蘇

性

靈川人

帝制王模可盡違
軒轅仙術願遵依
憐君到此將瞑目
尚盼蓬萊使早歸

前題

吳曾榮

霸州人

平鄉縣志

卷十二

藝文下

十八

古道曾經秦輦遊
誰知遺讖應沙邱
祖龍到此堪回首
是否神仙果可求

咏平邑八景

前人

西郭人家傍水居
鱗鱗秋漲乍添初
蘆花晴撲半灘雪
小立溪橋看打魚

西池秋張

登高舒嘯寄情
北閣凌虛眺望間
斜日暮雲遮不住
遙

青一抹太行山

北閣遠山

玲瓏奎閣踞城巔
一邑文風應列躔
好是晚霞烘托處
樓

臺金碧倍新鮮

奎樓晚霞

城堞依稀曉霧蒙
蜃樓海市本虛空
女墻低映銜山月
盡

在行人指點中

漢城晨霧

沿堤楊柳碧絲牽
弄雨搖風滢水邊
兩岸轆轤聲不斷
綠

陰深處泊行船

滢岸柳陰

參差樹色遠煙生
極目沙邱暮靄平
一自謫仙題咏後
猶

疑耳畔作秋聲

沙邱樹色

古淙波瀾昔怒號
枯時入夜尚聞濤
開門看水不知處
星

月滿天河漢高

枯淙夜濤

長隄如帶草如茵
碧色芊綿幾度春
我欲尋芳勞屐齒
一

平鄉縣志

卷十二

藝文下

十九

年一作踏青人

長堤春草